

白耆山人詩集

白奔山人詩目錄 卷四

七言古

秋園詩 四首

月青歌

苦蝗行

楚姬行

醉後贈羅商雨山人

月夜歸至耿莊

送李武曾之貴陽

題錢礎日十峯草堂

出都門往游西山

別都門

次臨清程際飛張雲漢喻子卓招飲戲贈女郎傅大
放船見墮河者

分水龍王廟

毘陵遇徐九一太史賦相逢行

劉同人北赴秋闈遇于虎丘月下詩以送之

黃華山觀戲

柳麻子小說行

題李武魯鴛湖秋錦堂

月夜西莊泛舟過華嚴寺舊居

漁翁醉

牧童曲

遙夜吟

溪上吟

問接花者

答

卽事書友人扇

爲梁伏村醉後書

贈張沖玄

贈張先誠

採桑曲

晤易儀侯

別文初

別瑞初

鉅野行爲畢開之畢位二作

虎丘遇陳聯芳

桃花城秋夜贈方爾止處士

題方爾止四壬子圖

太原贈周計百

見山堂歌

玉峯獵

歌臺猛士行

秋夜塔兒頭卽事

游平山堂

虞山寒食行

漳南行

白奪山人詩

七言古



古沛閻爾梅古氏著

秋園詩

明月穿高樹樹高月影疎樹與月成文照此蕉牕書蕉牕書
亂堆幾許薤露星針紛鳳羽靜坐呷啞對古人掀髯一笑集
風雨步到園北天初晴槐下兒童吹蘆笙

二

燈下花光多靈異看花燈下影疑似美人素妝倚欄干羅衣

澹映肉紅地蟋蟀秋蛩吟水灣夜深睡穩響綿蠻愁人酒醒
月西沉微風氣悄竹簾侵窅然如在萬山陰

三

前夕極炎今忽冷颯然一葉落金井蛩蟀沈沈花下吟小院
踈桐雜星影秋酒初濃菱菱鮮兒童兩兩弄三絃秋海棠爭
木犀妍八月將半月明鮮高歌莫待輪光圓

四

江山人人見人未見江山誰知千萬里一日能往還昔者盛

春雨草木積如烟何嘗問姓名去來秋水天策蹇破荒塗恐
爲人所先相隨廣柳車馳馳白雲巔黃河以曲長曲曲投滄
江蛟龍渡砥柱吹波觸天狼流火燦茅屋初曉卽搏桑六月
飛寒雪震雷屬臘月騏驎捕碩鼠山精食薇蕨彼我生異同
髫年悲白髮欲知白髮何處住青山自畱白雲去

月青歌

月明青青松影黑蕉葉桐葉爭顏色蟲聲唧唧四處來逐聲
求之全不得主人不是逐聲人千金一夕早晨貧貧雖貧兮

一杯酒爾之千金我一口維君之酒我之詩此外無可云相
思牕南梧桐牕北葵何如海棠影輝輝千將初礪未曾試鉛
刀縱快何所至感君意氣爲君愁牡丹春好不好秋秋雨秋
雲秋月皎盡醉西風莫潦倒

苦蝗行

結茆十里城東隅老農老圃共晨夕經年跡不到城中踈懶
相宜久成癖枯旱塵絲掛野田豆花憔悴無光液乍聞有物
空中鳴蝗飛如蟻經天赤翅聲剝啄墜紛紛縱橫百里積盈

尺婦子嗷嗷爭不及千村萬村淨如碧三時勞苦殊可憐飽
茲螾膳誰愛惜官吏追呼急于焚中夜思之若芒刺嗟我人
斯安所逃追呼不償死無益君不見古人苑中自吞蝗此民
之災我躬嘗又不見宓令卓子康蝗不入境號循良非其人
今民何藏我行其野歌旁皇

楚姬行

有序

癸酉之秋客淮陰遇楚姬夏麗貞于友人牛肖亭之
水閣拈花分韻言無不解願者乃知姬非風塵子遂

訂盟別去後半載姬以手書及見懷詩來寄然書中
竟不言來自何所余裁荅之恐未有定處遂中止又
月餘接淮友扎云云則姬之消息殆不可復得矣戊
寅春暮過臺莊遇蔣木生無意中談及姬事則木生
爲姬作押衙今已有所屬也余卽席率賦時三月二
十五夜木生名政芝宿遷人

春流東走無停處花開三月簇不住我自問花入山中主人
載酒移別墅座間有客廣陵來言愁縷縷紛如絮所言廼余

昔年遊淮南楓落醉深秋彼美人兮水之隅竹閣垂簾夜讀
書顏色絕世而獨立顧盼自憐掩鏡泣才爲衆妬身無屬苦
草依牆着雨綠細說行藏怨未平余亦和之楚歌聲蒹葭圓
橋菊滿籬夜深蟲語助人悲曉露零零歸步寒五更木葉響
闌珊忽爾清霜吹白鴈橫堵踈影梅花綻布颿旣掛各一方
夢魂千里人隔面舊題紈扇殊可惜出入懷袖其朝夕登高
悵望遮浮雲欲去欲留江天碧前歲貽我薛濤牋牋上手書
跡宛然緘封將破有私記來遲不審何時寄述舊寥寥但數

言恨多繞作千餘字含吐再三句重迭讀到傷心堪痛絕茲
後消息不相聞何期意外更逢君事中情與情中事曲盡形
容忘避忌燭光冷照烟微明潯陽月夜琵琶行

醉後贈羅商雨山人

洞庭山下羅商雨遨遊泗上五年許逢人沽酒不惜錢落落
客途能作主有酒到處皆爲家飲來不復計寒暑兼博物性
善烹鮮買得奇珍手自煮六十餘歲江湖間顛毛種種禿可
數生平未肯減否人疑是阮公之後身凡所與交必名士羞

將肝膽託風塵余以村居入城少閉戶窮經蓬未掃偶然乘
興策蹇來如彼子猷訪安道火熟酒清月漸移空堦離亂花
陰倒天高露濕星斗寒圖書滿壁光線繞聞君明日過東山
山泉新水正潺湲歸歸何以爲余贈杖頭無數烟雲間我作
此詩醉已深若浮滄海奏鳴琴古人解佩貽良友不及開樽
詩一首只愁醒醉不同時來朝還似今朝否

月夜歸至耿莊

明月滿地如水白霜草濕濕生光澤野村犬吠鄉人疑籬內

大言遙相嚇關者更深睡已熟暗中驚起呼巾幘門庭曲折
猶平日家人喜見若新客老父老母立燈前就視謂兒瘦于
昔先計遠來速治殮次問平安與踪跡老母從未歷江湖更
問老父兒何適天涯雖亦寄雙魚不及見兮心格格吁嗟乎
古人既仕求終養晨昏不敢去其側未仕之人胡爲乎經年
萬里江湖游貽我高堂之嘆息

送李五曾之貴陽

丁未之秋游上谷與君飲馬長城窟東山旣登復北山八月

霜高雲影肅，踞峯遙看虫。尤林秦漢武功，宛在目賦詩不可得。同聲黃羊嶺外，渾河緣分手歸來。集玉橋燈宵，更奏霓裳曲。碣石館前，駿骨荒丈夫空老。髯爲霜，投筆鞭馬復南征。萬里鳴刀撻鬼方，此時同社諸子皆壯之。慈仁松古蔭瑤卮，漢家伏波陰五溪。日南郡開銅柱低，重鐫名姓滇黔西。

題錢礎日十峯草堂

嵩華之西多寒山，江淮之左多大川。萬里崑崙氣蒼茫，星海桐柏相鬱宣。蜀岷東走數千里，洞庭陰與太湖連。太湖七十

二峯高圍環丘阜散雲濤善卷洞接張公洞起伏絡繹三吳
包陽羨梁谿峰有九秀澤天然龍驤首此間仲雍祭精靈開
闢東南文物藪有客造室于其下增彼九峰之一友曉月夕
嵐林石恠伊唔悲歌烟霞外佳酒釀成惠山泉盡觴瑤笙香
霧靄我曾游歷遍十洲嶠岨峩嶷天西頭今將鼓枻梅里橋
吟白紵兮吹鐵簫九峰應肯結美人並我添作十一峯若有
若無爲蘆港之仙樵

出都門往游西山

岸高徑低沙塵聚亂風刺面如昏雨獸碑雜列朱櫺間五侯
墳沼藏花樹自晨至午人間摩午後遊人無覓處村落旣稀
烟火寂古寺破垣僧散去遠峰變色暗夕陽盜賊持兵走荒
墓虎豺乘野亂奔林當道作威聲震怒鞭馬馬老委中途頑
石滑蹄束其步二僕携書隨行緩相隔一里不相顧遙瞻斜
嶺通白楊草根狼籍拖山路陟巔廻視來路封滿天明月收
羣霧

別都門

日光晨發滄海根初力照破飛沙昏上書不得見 天子敬
肅衣冠別都門都門別去將千里烟霧蒼白如秋水長征車
馬爭路行驂駝毛瘦腥風起近塞小兒吹蘆笳暮春雜落柳
桃花獨飲野店無親識一日數換主人家

次臨清程際飛張雲漢喻于卓招飲戲贈女郎傅大
數年別去今重過故交投轄將若何故交原從貧賤深安能
長往傷其心小妓初歌燕山詞角飲數杯如顛癡君不見一
斗亦醉一石亦醉之淳于髡視諸醒者正昏昏又不見阮籍

高卧隣女旁人之無他各相忘善飲在彼不在此美人何必
非君子

放船見墮河者

橫板積水水不下源高舟放如怒馬舟尾羣將鐵纜留乘勢
號呼爭水頭岸淺石堅皆冠轡軋軋一聲無完舟旁觀嘆息
風波惡舟子茫然亂根脚饑魚搖髭齧人肉同舟能笑不能
哭

分水龍王廟

世無酈道元誰爲水經註乃能窺源流南北分雙路南北各行數千里七十二泉相母子舟楫往還難易均國家命脉生于此命官治河屬大臣鋤鍾勞勞夙夜勤不然錢穀百萬艘安得空言乞鬼神鬼神有功亦有罪視彼河臣忠與怠圭璧枉沉犧牲死風濤無恙年年在

毘陵遇徐九一太史賦相逢行

與君別自長安市君開東閣延名士其時君有文章名我來呼酒君倒屣天子詔君奉母歸清霜兩岸梅花飛璽書高擎

學士船銀瓜雙送老萊衣聞我在此君來顧使我客中童僕
亦光輝縹醪酒鵲鵲危炙紅虬薦綠旒問近日之行藏餐長
歌以寄思星光在戶微風暗吹東山起月明西照河之湄又
安知我之得意與不得意今日明日之爲何時

劉侗人北赴秋闈遇于虎丘月下詩以送之

微風夜起松陰亂歌聲清老吹不散美人遠立月明中麗粧
微見衣裳紅君從暗處一呼余廻頭大笑過僧居昔年齷齪
長安市別後相思難致書高山深澤涸雷雨蛟龍無力雜蛇

處小兒詫怪蒼頡文指爲不祥驚且詛行空天馬脫驪黃世
間應自有孫陽雲漢昭回生匹練能使千人萬人見

黃華山觀戲

黃華山深積翠微東風將歇桃杏飛嘉菓珍肴笙管圍美人
歛步蹴紅衣素粧靚姣遠山眉歌喉引長嘯依依牡丹香悄
夢不歸亂我心兮如調饑愁殺雀臺張總幃周郎顧之懽且
悲上馬酣吟倒接離出城滿天星斗暉金園鐘板誦陀尼宰
官居士笑同飯

柳麻子小訖行

名遇春號敬亭年八十揚州人

丙午之秋客廬江秋雨平溪水瀧瀧素車白馬冠蓋集執紼
來登被九堂禮成衰止設賓筵垂楊院靜荷池烟靄裳舞衣
粉黛濃步搖環珮響玲瓏將歌未歌絲竹廳中有人兮高聲
喚吳歛齊謳南國多鳳嘯龍吟君不見芳蘭紫荊繞珠屏郁
厨佳膾五侯鯖惠泉露洗北園茶官揀遼蓂湛雪花暫撤賓
筵列兩旁豹紋綿裯布中央傳語滿堂客滌耳喧囂不動肅
如霜綵袞紅襖蹲座上座定猶餘身一丈科頭抵掌說英雄

段落不與稗官同始也叙事畧平常繼而搖曳加低昂發言
 近俚入人情吐音悲壯轉舌輕唇帶血香目睜稜精華射注
 九光燈獅吼深厓蛟舞潭江北一聲徹江南忽如田間父老
 籌桑麻村社鷄豚酒帘斜忽如三峽湍廻十二峰峰嵐明滅
 亂流中忽如六月雨驟四滂沱傾簷破地觸漩渦忽如他鄉
 嫠婦哭松墳忽如兒女號饑索餅饑忽如秋宵天狗叫長空
 忽如華陰土拭太阿鋒忽如嫖姚伐鼓賀蘭山忽如王嬙琵琶
 弄蕭關忽如重瞳臨陣叱樓煩弓不敢張馬倒翻忽如越

石吹簫向北斗萬人垂涕連營走忽如西江老禪逗消息一
喝百丈聲三日既有漁郎樵叟伐薪欵乃之冷冷亦有忠臣
孝子抑鬱無聊之啾啾我聞此間小吏焦仲卿姑媳諍語哀
難聽又聞此間神僧血白如銀膏髡髡墜裏墮三刀孤猿啼
破清溪月炎天簫笛涼於鐵娓娓百句不停喉纔道不停脩
而絕霹靂流空萬馬奔一聲斬住最驚魂更將前所說者未
完意淡描數句補無痕世間野史漫荒唐此翁之史有文章
章句腐儒道不出傳奇脚色苦濃妝獨有此翁稱絕伎不可

無一不能二八十歲人若嬰兒聲比金石真奇異乃知天下
之事不論誰是與誰非難逃千載之下人刺譏夢伯優孟起
九原定與柳翁奏壘簾柳兮柳兮豪布衣

題李武曾鴛湖秋錦堂

嘉興人名良年

橋李橋陰紅樓綺菱菱荷芡香雲紫長隄宛轉抱烟闌畫船
如綉笙歌起中有靜者枕書眠小構茆齋楊柳邊不逐春光
愛秋光天碧水澄萬樹霜霜夜月明照鬚眉賓客呼酒賦新
詩吳山晴影送漁帆東下滄江三島涵扶桑曙色綠金罍

月夜西莊泛舟過華嚴寺舊居

淺溪蘆葦舟行遲橋旁倩力共挽之纔入深溪西風來掛帆
疾走如奔雷官堤兩岸胥垂楊絡繹魚罾緣岸長小兒誦詩
十餘首出坐蓬牕納野涼薄暮近城月漸起城外樓閣漁燈
裏渡口誼鬪語未分田上晚歸呼舟子月起漸明雲漸收皎
皎銀河晴萬里村落粘天屋倒垂樹根星影懸水底濁酒數
卮筵數聲似有解人隨路聽漫繞城東入湖去冥然回首煙
青青湖平四望雜草無蒼茫暗綠盡秋蒲蒲密風遶蚊蚋集

一齊欸乃撐船急湖鳥夜驚飛翩翩到家扣門人睡熟

漁翁醉

山雨秋綿湖水盈大山浸麓小山平怒風闕波天水冥如聞
百萬戈甲爭惟獨漁船來往輕搖入蒹葭深處橫風息捕魚
風起停將魚換錢夜沽酒滿湖山月繞船走戈甲相尋不知
足恩讐驅使英雄哭都是風波路上人試問誰與風波親

牧童曲

沙田種楊柳溪灣注秋水深村徑僻多煙蘿行人錯走蘆塘

裏小橋東折酒帘香農夫辛苦何曾嘗牧童摘瓜醉籬旁一
路山歌驅牛去飯牛已肥醉不妨

遙夜吟

夜星射泥黑鬱寒詰朝雨老農飭廩聊乘露打秋黍拚扉坐
虛牕蚯蚓石根語既幽且長節奏生林風徐引入蟬聲微步
蒼苔低耳尋秧屨觸土驚沉沉河漢漸西移似縷薄雲渡月
湧光始穿歷歷天東樹愁來倒筐床瞪目看屋梁慘淡起行
竹陰外三枝五枝橫北牆犬睡閣門兒女靜四無燈火煙如

霜低回將倦鷄鳴時忽然幻夢出空竒踪跡破碎非人境欲
醒不醒魂支離舒身大叫心胸苦家人高枕安得知

溪上吟

湖水通野田種秫蘆溪邊溪平沒秫穗蘆深隱漁船岸外高
樓三五處湘簾影壓垂楊樹欲捲不捲樓上人日落秋蟬鳴
不住東山烟白月光攢數聲簫鼓西橋灘頽然獨醉歌且歸
暗風半天烏鵲飛

問接花者

種桃接梅樹梅花滿樹開去年賞花者重尋舊路來舉頭看
樹上桃花安在哉試問花有主人否此花是桃還是梅

答

花開豈無主賞花莫賞枝恃此故根力翻與故根辭故根辭
不去接者徒相欺接非其種開幾時開時不知落時知花今
開今空爾爲

卽事書友人扇

長隄疎樹籠烟樓黍光初碧盈南疇野徑微通深竹裏障泥

斜踏栢亭秋亭前黃鳥啼桐葉華山峰隔晚雲接美人中酒
褶羅裳夜臥琴輒當鴛床朝來風雨拔林木與君洗腳東園
麓風雨纔收水潺潺不醉不醒行又還

爲梁伏村醉後書

七哀與八哀詩成無一句千哀百哀人哀極不能住豈惟不
能住竟是不能哀白日青天路君從何處來生兒不得婿生
女不得婿總是白雲翁一笑儵然去誰則無玉堂誰則無松
籬把酒花間唱星輝竹上枝我已作死灰人說不復然天意

不可知然之或有焉人生自有妻人生自有妾花開一段香
不顧閒枝葉我說我可憐人說人可憐人憐我死後我憐是
生前欲死死無名欲生生無地孤孤亡命人昧心談文字文
字未嘗非時窮識者稀靈光殿巋然其人竟安歸時花放千
朶明珠藏一顆知我獨有君知君獨有我君知我今烟霞侶
我知君今金碧色試將烈火煉金碧寒星迸躍光千尺

贈張冲立

河南扶溝人

兩年狂走河南路山雨山風無住處蕭條萬里不見人鄉村

寂寞晴天霧金粉泥泥影大梁杞南松墓眠商王掃却荆榛
攝衣拜登巔四望氣蒼茫有個主人號冲玄博學雄才詩百
篇兩株怪棗樹庭前徑如其人鬚鬢然

贈張先誠

西華人

勻勻平坡數百里一蹇策來東風紫遙遙窮路主人奇錦石
紅櫺綵樹披山海之珍味家常古今各肅縣草堂無限亭臺
皆火雲廻看紅綠花紛紛剩得臘梅放堦前留余相伴瓶花
眠昨日酒多今日倦高譚適意復陶然君不見山子頭南峰

峰霞但醉君家卽我家

採桑曲

種桑人家十之九連緣不斷陰干畝年年相戒桑熟時畏人
盜桑晨暮守前年災水去年旱私債官租如火鍛今春差覺
雨風好可惜桑田種又少採桑女子智于男曉露浸鞋携筍
簞幼年父母貴女紅蠶事績事兼其中桑有稚壯與瘦肥亦
有蠶飽與蠶饑忌諱時時外意生心血耗盡繭初成織不及
匹機上賣急償官租與私債促織在堂絲已竭機杼西隣響

不絕殘歲無米貸人苦妄意明年新絲補

晤易曦族

黃岡人名道暹流寇破死節

我昔渡江來石頭君已先發楚江舟及今空憶十餘載吳門
五月披羊裘旗鼓我與君相當睥睨座中如髑髏出其文章
數萬言表裏六經相稽求虞卿博學以書傳著書安得謂窮
愁君不見黃河東下走滄海橫截衆流色不改丈夫中立天
地間勿爲其易爲其難勿爭一時爭千載

別文初

諱宗典

與君夜棹淮南路風雪萬嶺歲將暮詩文多得之牢騷意言
相長精神聚步兵不肯浪交游白眼耳爲庸人妬曲致微心
微乎詞讀者戚戚生感悟吳門追隨半載餘破帆千里獨歸
去榴花隔籬照葛巾芰荷滿渚吹晨露功名富貴非所難忠
孝不成君子懼願從此地慎潛修勿徒江上歌紅樹

別瑞初

諱宗昌

三載之前醉長安三載之後醉江干長安別君春未暮吳門
別君暑已殘將行且復造其廬靜不聞聲帷若虛蟬鳴村柳

野無人一溪新水栽萍渠問余再晤期何時懼不如期不敢
期山河能鑒歲寒盟風樹堂高月旦評

鉅野行爲畢開之

荒原土花乾欲紫策蹇西行數百里窮鄉來去皆枯墳蒿井
頽垣沙礫裡偶爾遙聞雞犬聲草蓬深處敗牆橫問路竟日
無來人破樓斜角半天撐其間退藏吾老友喜予命駕出村
酒書畫滿堂設棋枰燈光夜半不停手石榴花瘦青桐孤琴
磚列坐看星斗生平誰無好行藏東風吹得竹琴香明朝我

不知何之醉裏高歌夢裏霜

虎丘遇陳聯芳

東山荒石林無葉千里童童影截業幽寒詭異發精靈雜產
黃銀兼碧鐵抱犢峰高接琅玕紫雪深處閃銅華陳子生平
喜任俠心豔其說徃移家余謂陳子此事幻山澤不受凡夫
鍊漢文寵賜美臣錢衣無寸繒食無飯與其虛招金埒名何
如耕稼耳貧賤今冬忽遇半塘橋霜烟漠漠風蕭蕭眞孃塚
次青帘飛把酒閒聽竹枝詞明朝立墓其尋梅七十二峰香

蒲衣

桃花城秋夜贈方爾止處士

桐城作者方爾止余昔聞之陳百史旣而交其侄密之益復
思之無已時風雨鷄鳴三十年今秋共醉廬江烟悲歌抵掌
話生平贈我短篇金石聲博物洽聞近代希不事王侯甘布
衣尙論古今作詩史晉唐三子皆士子異代同年殊不偶畫
成一圖傳不朽車馬如雪桃花城繚繞松阡月四更野橋荒
夜山犬睡茅店滅燈松響碎歸來僧舍聽寒蛩踈樹接天挂

星芒大蜀之峰光深紫銀漢橫浸巢湖水

題方爾止四壬子圖

陶靖節杜少陵白香山皆壬子年

靖節先生家栗里高臥北牕微不起人知其卒在元嘉不知
其生歲壬子杜陵天寶之詩人香山變爲長慶體迨有明兮
千餘年桐城崛起方爾止四子皆以壬子生先後文章輝青
史畫作詞壇聚講圖著其干支稱世紀我聞宗氏少文喜卧
游滿屋琴書畫山水撫絃動操萬峰鳴如置身在烟泉裏又
聞謝子敬微愛步兵手圖長嘯對孫登古人初不問窮達一

往輒復有深情爾止此圖倣古人自命風雅之功臣上下千秋若同堂且暮遇之須眉新惜哉漢圖無畫工不圖風雅圖麒麟

太原贈周計百

歲在重光大淵獻陽月晴空浮雲散營室之星皎昏中樵漏初長明月爛客在太原郡齋西主人下榻開華宴黃花未殘後暖帷繡魚尾長玳鱗燦盈架圖書押玉籤蚪蚪文雕垂金琢長安千里驛符飛主人各姓題鑿殿漢家嚴選二千石卓

異聲華公卿薦維時冢宰錄良臣太常服物龍光瑱汾水初
冰滿岸霜深山虹霓藏不見曉光高射彤霞樓岬岬紅葉干
林豔縉紳黎庶萬懽呼筐篚鹵樽登堂勸因憶長安餞君行
中州之館集時彥山都祖道事平常名士如林誰能擅到郡
尙未及半年誦歌颺起窮谷徧察奸不讓包孝肅擊豪直稱
趙廣漢乖崖立斬一錢胥茂弘咨嗟三語掾男兒得意抒胸
懷安得低眉耳墜面長孺出守爲平津賈生南遷因絳灌雖
云權相忌高才亦是拘儒少權變卽如君亦遭萋菲霧釋天

青銀河現始終倔彊不脂柔剛哉何懼經百鍊雙眸碧冷言
笑莊屬吏憚之驚雷電若夫窮獨草野民溫然春風接無倦
北海禮賢尊不空度遼倒屣下貧賤暇時拈筆寫秋峰或詩
或文憑耽翫庸人多自謂已長惟君虛受納直諫如斯衆美
鮮其儔取相封侯持左券余遊晉中凡五周居停落落心竊
厭獨留此地兩閱月道義之交深縑綵劉尹日日顧許詢朗
陵時時推黃憲陳徐南州千載傳郭李同舟兩河羨祝君努
力慎厥終異日補入循良傳

見山堂歌

爲楊猶龍作

鉅鹿楊生美如璧曾爲史臣又方伯燕趙悲歌萬里來秦川
蜀嶺皆聲色爰構一堂曰見山厥義取諸陶彭澤北枕玉臺
南錦屏對武侯祠側滕亭高士竹翔金鳳尾美人蕉展翠魚
翎閩州地暖天氣嬌非晴非雨烟瀟瀟變隸不停林壑變十
二時中時時看天馬低昂繡兩峰嘉陵曲折潮三面畫工濡
筆而失之漁郎回首花源幻目成心賞故難言多少忙人都
不見紫桃笙紅豆案戩筆蒲江硯臨風忽聽巴渝謠思鄉更

寫連雲棧蹲鴟煨鄒筒醺野賓啼僊驥舞驪獵郊而弋熊賓
圍峽而罔虎笑長卿之倦游比太冲於儋父聊以官爲優孟
塲不如堂作青山主所見之山堂之內未見之山山之外山
外之山見無窮無山不見此堂中堂今山今見楊公

玉峰獵

有序

川北楊總戎十月旣望獵於聞中之玉峰招余往觀
將以騎射大鷹示武於遠人也圍合而復移者三竟
日無隻蹄片羽楊不樂余作此歌志之

時同楊猶龍
孫黃中離指

和尙

錦屏冬曉花光爽日映江嵐浴金碧一夜寒飈霜樹刑鷺鳥
欲搏鼓其翼將軍下令獵郊南錦馬貂裝綠玉鐔健兒高呼
揣指示綵旗如豆搖峰尖楷矢雕翎魚貫入弦響毛紅飛不
及山鬼有靈先告之千林如埽無蹄迹蠶絲嶺北黃柑村天
童老衲揖將軍此村遭亂三十載居民殺盡絕鷄豚虔劉者
多子遺少山澤幾曾有餘珍願爲鳥獸乞微生將軍且有無
敵名百戰百勝事尋常何如不戰而屈人之兵將軍擲弓催

山鼓自云射楊兼射虎終朝獵不獲一禽英雄安所用吾武
蕉鹿夢蝶影茫然漁歌歸去扣沙舷臥龍祠西海棠川鐵笛
橫吹離堆烟浮橋風夜水濺濺

離堆山在蒼谿縣城北

歌臺猛士行

辛巳三月二十九日事載文集

湯沐之鄉多猛士風雲附會高皇帝枌榆勝跡兩千年尙有
蕭曹功臣裔屠沽酒媪悉英雄海內何人敢輕視辛巳之年
三月暮荒歲民饑逃滿路揭竿四起美潢池幾飛曾不計其
數直過湖陵犯歌臺深宵烽火如碁布余心惡之傳私令隣

里兒童皆聽命鄉兵不與官軍同止可用奇不用正鐵馬金
戈農夫少旌旗虛插垂楊杪深春土氣發烟光土波搖動白
茫茫賊自西徧向東視人影浮空幾丈長步者森森誼鼓砲
騎者隨余搗中央直入前茅穿背後淋漓血濺綠沉鎗賊方
薜食尋攻具聞信闐然各奔去別遣餘賊焚吾廬樓廳圖史
盡灰墟破我一家救一城城上親朋謝再生豈知此非我所
能廼是吾鄉子弟兵戰罷疾書猛士銘配大風歌勒泗亭

秋夜塔兒頭卽事

地在淮城東南六十里再彭堃其先府君處

西鐵水漲連東海

西鐵橋在淮安新城西門外一名西義

兩岸平沙積腴腰千

村百村皆青畦杭田豆田籠烟靄黃河龍性最難馴嘉禾莠

熟滄桑改素封擇地塋先人塋後子孫每賤貧天地常爭新

世界山川不結死星辰湖中僅有朱仙墓

墓在淮城西北湖中

乘氣難

求郭景純塔兒莊上多銀桃隣舍漁翁薦蟹螯青茨烏菱帶

露摘磁盤洗山下醇醪箏簫迭奏竹枝涼蚊蚋薨薨秋夜長

痛飲酣眠日射牕醒來滿院木梨香

游平山堂

凍路泥枯霞影黃
澗吹老冰生午涼
白雲起伏峰岑寂
銀杏葉葉帶紫霜
當年永叔構斯堂
一丘一壑入文章
山色有無隔江南
金焦北固烟蒼蒼
謝公嶺上傳歌伎
何遜梅花滿署香
垂楊隄斷酒帘稠
殿脚佳人唱玉鉤
二十四橋夜漏沉
滿天螢火燒迷樓
開樽先酌張公子
憐他只合揚州死
十里長街半蕭條
山光禪智餘基址
史稱煬帝何愚頑
彼亦人生行樂耳
榮華顛顛總荒丘
縱不愚頑終至此
君不見簫管紛紛
歸畫船月明空照
邗江水

虞山寒食行

去歲清明游匡廬今歲清明游海虞匡廬之勝在山巔海虞
之勝在山前山前七浜像七絃邑以此名號琴川琴川坵墓
纍纍然鬼火多於市竈烟四時無日不誼闕惟獨寒食更堪
憐哭聲蕭瑟歌聲妍蒿里曲中雜采蓮新貴宦成買舊阡舊
宦兒貧掘祖先苑苑生生歸夜泉興衰反掌此一卷櫻桃欲
放牡丹殘金匱瑤笙坐燭氈微醉佳人墮釵鈿斜陽鴂影墜
峰肩

漳南行

西門豹祠在銅雀臺東

鯨背橋南看春雲楊柳垂垂千萬村古渠再穿膏澤勻家家
賽社熟鷄豚持酒登堂醺西門鄴城千載并棠芬掃除東閣
待嘉賓敲碁掘梁賞鴻文贊皇萬軸不足云野老瞻像拜仁
君

白奪山人詩目錄 卷五

五言律

登泰山 四首

日觀峯

游藏龍峽 六首

送朱毅韜歸崑山 四首

泗水道中

過充題賈明初藥室 二首

游泉林

四首

咏泰山土產

三首

濟南閒咏

游龍洞山

題佛峪精舍

中秋夜作

沽亭題韓淑旂草堂

二首

茱史園

三首

通許卽事 四首

冬初偕陳司南劉霖浦飲編容上人精舍

贈孟依之 三首

膳廬贈馬果人叔姪兼示布庵茱史子遠愿士 二首

和王似鶴

和荆觀四

贈陳司南

游三峯山 四首

游太平庵

二首

游金仙寺

賦得秋色老梧桐和沈繹堂太史

四首

楊猶龍署中大雪刻燭微詩遂成十五首時十二月初

七夜

馬子遠齋中卽事兼示朱史定生叔姪

七首

臨穎除夕送楚人會試

四首

許昌春夜贈何仲端山人

六首

贈田馨碧 二首

送楊猶龍方伯四川 五首

贈何元矩 十首

鄢陵畫肆贈柳宗研 二首

贈平煙水 五首

贈許清許名醫 三首

柯蘆秋以詩投我次韻答之 三首

贈張岫嵐 三首

方芭漢夢登高山余適以是夕至遂志之

夜飲芭漢齋中

在芭漢處寄煙水兼示張巫峯伯仲

甫園

八首

戊戌穀日平煙水梁以道見訪臨臯作此贈之

十首

太原秋溪看嶠圖山紅葉時偕吳江潘次耕濟寧孟百

聚陽曲趙疑之

三首

雁門送李天生歸陝

四首

重過陰太峯清暉園 二首

題荆觀四山齋 二首

似鶴園卽事

游終南山

宿白厓寺 三首

贈張嘉生騫永思

題岫雲羽士閣 二首

題蓮花峯

蒼龍嶺

二首

箭括

二首

粵陰書王山史齋中

武功贈張訥夫

三首

耿子玄園中次李聖年扇頭韻

六首

訥夫禱雨有應贈之

三首

過永壽贈李懷仲

五首

村居

十五首

題萬年少隰西草堂

二首

除夕自河南歸

殮室人張氏樊氏於南莊

四首

再哭樊氏

二首

至徐州過萬年少故宅

二首

廬郡夏秋詩爲龔季升作

二十八首

別龔季積

四首

秋分日秦虞桓召飲限韻

二首

送單縣張明臣之金陵 二首

村居雜咏 十九首

閏五月與張抱珍苗質馨同至蔡叙伯莊上看花 五首

山莊

秋村

和陳蓮生來韻 二首

徵山東友人 二首

哭倪鴻寶先生

安東道上

宿壩頭

杜門

答徐古圖吳門見寄

徐縣令見過

二首

寄懷李太青

家信

答單臣素

答陳百史

一首

頂仲展病中過夏村未得一晤作詩送之

一首

聞若蘭有好事

寄懷姚六康

四首

西苑

二首

天壇集飲戊辰夏初事

二首

皇極門早朝

二首

潞河龐家嘴僧舍偶作

一首

五簋邀朱蓼天王
渭來王敷五薛大武何昭侯李
嗣雪
紀伯紫李條侯集飲慈仁寺松下

居庸關

宜府偕戴務旃李武曾戴無忝山游卽事

二一首

魏郡冬吟

三一首

己酉元日祝內嫂王安人八十時在邯鄲署中

二一首

邯鄲元夜

游方山

六首

姚莊偕趙配五憬五信五共飲西園

三首

過鉅野題畢開之畢位三村舍

二首

高唐至禹城皆昔年計偕舊館也感而志之

齊河道中望泰山

新春爲單臣素作

清明答單臣素韓淑旂兼寄故鄉友人

慰同難魏君重黃若曾二子

送邢來之

閏六月詩

白奔山人詩集

五言律



古沛閻爾梅古古氏著

登泰山

修路去其險山高人不
知看他深厚處無復盛
衰時光偉如
君子尊嚴若老師垂紳
雲漢上華夏古威儀

二

山下自風雨不知山頂
晴青天超距上白霧半
腰生樹古忘
年歲泉多失姓名
斗盤開鑿火萬仞覺平
平

三

秦碣無文字傳疑不可蹤千八百國長七十二家封氣翥樓
臺狀光環日月容世間好男子看取丈人峰

丈人峰在絕頂

四

峻極風雲絕蒼蒼萬里塵神州成下界日本是東隣寶色儼
王者精華開聖人肅然生敬畏作頌欲逡巡

日觀峰

太山絕頂東崖上

山根何所有夜半必光明山在虛空際光緣日月生何曾天

外落直是地中行行健真如此開人萬古情

游藏龍峽

在萊蕪城西南十里

南山風雨注水口劈雲門似是神工琢曾無鬼斧痕空明俱有竅生動不連根恠石沙邊列牙牙虎豹蹲

二

斗丁三層跌羣山萬壑歸螯龍卷

音平

瓜睡仙蝠帶兒飛鱗與

生光恠潭空滾翠微陰房難測度折簡問靈威

三

平麓誰開險虛岩似鑿空
嶂呀兼小巧樸拙帶玲瓏
楹栗垂天上雲霞閃鏡中
幼輿安所置丘壑此無窮

四

或或桑麻內靈蹤地底函
鬚鱗如有狀罅縫若爲龕
樹色千峰綠山光四面藍
何人鐫石額筆法緒河南

五

曠游晴最好此日却微陰
麟鳳行藏晦漁樵知勇沉
伐山須借斧拊石且鳴琴
空谷非岑寂覺然有足音

六

易有精靈物難逢賞識人
龍蛇爭氣類屢杖感星辰
地瑞韜藏久天光剝換新
狂吟收拾富不使客囊貧

送朱毅韜歸崑山

諱肅

海外尋幽島山中賞怪雲
懷人難得邁無意乃相聞
蔣氏開三徑顏公咏五君
兵厨佳酒在况復值秋分

二

曉氣連山翠晴光映水藍
采風來汶上送客返江南
劒擲要

自注山人言集 卷三
離塚芝分角里龕君歸先掃徑我亦訪茅庵

三

旱魃三春酷陽侯七月哉螟蟲戕稻黍魚鱉泛樓臺處士微
何用流民繪不來試占分野象熒惑正徘徊

四

俗士游金谷高人上玉峰三江雲黯黯一路草蒙茸吳市誰
爲倅臯橋若个傭相期霜未落鼓枻采芙蓉

泗水道中

旅店知何處登高認路生虎狼多有跡雞犬不聞聲望樹投
村落無人問地名溪邊逢破廟碑碣古盧城

過充題賈明初藥室

嶧縣人

二豎乘時亂丹方與日新市中多鬼物壺內有仙人端午杏
林茂重陽黃酒醇昔賢能急病不獨爲家貧

杏黃用醫家事

二

絕技無兼者惟君種種奇竹林逢鍛客海水悟琴師蟋蟀千
金鬪鶻鶉五鼓吹自憐多少病來就故人醫

游泉林

泗水源也山名陪尾在古卞縣東五里

關里秋光曉東行訪卞橋水躔丹幃尾山帶白雲腰佳卉紛
如繡靈禽靜不囂石邊堪枕漱况復酒人招

二

雨靄沙塵淨晨登陪尾山疎峰青霽竊深樹綠陰環風掃堦
羅葉雲封薜荔關殘碑狼藉卧剝落不成斑

泉林寺有堦羅樹

三

古水陰森久臨流暑月寒地華生秘藥天影弄飛瀾彩霧十

峰紫幽花四季丹音光題不了盤礴醉欄干

四

緬懷洙泗水今始遡其源花氣相爲蔭蟬聲不住喧石苔涵
露蕊金沆洗雲根布席芳茵軟常留屐齒痕

咏泰山土產

聞有佳山水生子避世心紫池菖九節白塔栗千林郊子官
名古延陵樂理深采風齊魯褊策蹇到龜陰

紫岩池白塔村
皆徂徠山下

龜田在泗水城北接泰安州

二

物產隨方域山川各有長秋沙生石蠃春雨葶柴蛭草茁三
楞秀稜開四葉香振衣亭禪下肅拜古明堂

三

土堅宜樹檨泉暖更畦瓜松多秦樸檉栢老漢杈枿海藻浮
金杏山紋掃石茶神山生異卉難考是天麻

濟南閒咏

雨霽烟光滃登高四望虛綉水宜煎茗覺堂可注書遠岫陰

陰樹澄潭尾尾魚還愁春未了從者莫鞭驢

綉江水出章丘會仙山

游龍洞山

在歷下東南五十里是諸山絕勝處懸厓有錦屏春曉四大字不知誰書

忽報春歸去羈人不願閒尋幽龍洞裏叫絕錦屏灣古塔千層雪荒溪四面山采禽從未見花外語閑閑

題佛峪精舍

峪在龍洞東最幽險

幽磻旁開路危陁倒鑿牕屋巔松簌簌厨角水瀧瀧說偈石頭點拈花山鬼降人知居士靜爲我拂金幢

中秋夜作

時同梁東川馬龍賓魏君重黃若曾同飲

惟秋爲氣苦相感輒成悲况處異鄉外又當多難時浮雲終
自霽明月不吾欺移酌空階下長歌古別離

沽亭題韓淑旂草堂

泗水生微綠鳧山帶遠青田園聊卒歲子弟且窮經
煮酒臨花塢彈琴韻草亭心閒自無病不必揀棧苓

二

相去無多地遙遙晤對艱隨時分道路舉目障雲山學問窮
中老風波病後閒從茲加靜息妄夢可徐刪

茶史圖

大野生菅秋荒墻屋半間煎茶惟白水挂畫有青山時鳥成
聲色孤雲自往還蒼然花竹處宿草不會刪

二

晦日三更坐朱曦待曉風肌膚如有觸涼燥不時攻隱士嫌
徵辟奇書波異同人間高尚事生出此園中

三

客路須調攝晨霜五月寒野花迎杖屨秋色滿牕欄病向酒

中起山於雲外看因悲逃世者那得此盤桓

通許卽事

風土愛咸平無心偶入城承筐勞地主問字走經生月黑蚤

千樹秋高雁一聲此中尋複壁註疏老邠鄉

通許古陳留郡屬地舊號咸平

鎮

二

百戰中州地荒沙帶亂墟丘陵秦漢錯封建夏商餘文士徵
新稿田家葺舊廬缺長安所用慚愧使君魚

三

山震鍾如答聲聞不妄傳六經酣壯歲十嶽嘯餘年酒應黃
花節詩裁白苧箋好音應未阻一一寫冰絃

四

欲效春秋蹟先稽鄭許封大邦時有命敝賦悉難供
知駿魚衣不辨龍長卿游且倦安得久臨邛

冬初偕陳司南劉霖甫飲編容上人精舍

日日學逃禪江湖又一年何當僧貰酒便以藥爲錢孤磬寒

雲墅疎鴻小雪天
阮途須自耐莫使北風憐

贈孟依之

八月旣秋分長空漸白雲
醅中君漉酒花下我酬文
星斗隨賓主山川述見聞
旅途何日謝寒暑易紛紛

二

戰馬叫雍丘登歌祖逖樓
當年名士蹟此日故人留
五鳥識歸路青桐凋敝裘
故園多桂樹誰賦小山秋

三

好音無識者工瑟不如竿豈有渥中駿甘爲轅下駒寒星窺
寶劒明月洗華珠試作移山解愚公未必愚

瞻廬贈馬果人叔侄兼示布庵茶史子遠愿士

城市無餘地亭臺曲折生天於冬夜永月以歲寒明花鳥求
新侶圖書載舊評此中須靜享不與世人爭

二

平生投刺少馬氏我通家小徑脩脩竹高牕扇扇紗昨將歌
引雪今借酒題花選擇居停好如君故不差

和王似鶴

諱舍光辛未進士猗氏人

花氣兔園內山光熊耳前
金雲生桂早珠露趲荷圓
着色錦江畫移情滄海絃
臨文常血指刻意有誰憐

似鶴善書善琴

和荆觀四

諱光國猗氏人

晚日登樓嘯鐘聲挂細烟花塵
憑竹掃酒令待燈傳茜萼邀
新社芭蕉寫素箋賞心安適太
揮塵聽鳴蟬

贈陳司南

司南諱璿洛陽人

葛屨屨霜寒無人可共歡
等閒逢大雅恰好是微官
月炤千

將鍰水啼苜蓿盤不爭桃李事階下有芳蘭

游三峰山

在禹州城西南

出城十餘里隱秀結西南一氣嵩山落三峰潁水涵鐵梨蕃
綠柚金柿比黃柑何處幽琴發松風掠石潭

二

山平如素几斷處乃成峰伏有龍蛇狀蹲爲俎豆容崩厓蒿
蔽井破寺栢懸鐘初路多新險烟蘿步步封

三

來峰殊簡穆段落或低昂水靜魚連眷沙平雁次行神山浮
海面心有列坤方夜雨秋分後青螺遍洗妝

宿音秀

四

登巔無所有側影突炯髮鬣作蜂腰勢攢成筆架山茨宮軒
帝問襄野牧童還密邇神仙窟時人看等閒

游太平庵

在三峰山北麓

惟卉蒙幽壑深山獨自僧四圍霜葉岸一架木香棚昧火能
敲石空牀不挂繩跏趺西閣上聽月與傳燈

二

擬竒投僻路一往不知勞險砦無人住荒村有虎鳴石田收
秬黍山稼剝胡桃拄杖東籬看千竿鳳尾高

游金山寺

在三峯東北麓

古刹東峯畔金僊負絕陁草深泉暗響花聚戶常扃靈雨繞
新霽秋山好翠屏別登高處望無此柏岩青

賦得秋色老梧桐和沈繹堂太史

四時均有色秋至獨紛紜白露迎商律玄谿撫斷紋風疎穿

葉響月透逐枝分冷落天如碧長空鷺一羣

立谿亦名龍門產桐

二

霏空霜不見得氣物先驚草木辭金粉山川就老成產爲琴瑟貢樓有鳳凰聲隣圃多楓柿紅霞爛爛生

三

嶧陽有嘉卉文質美秋深百尺莢華飲千山氣韻沉牧樵歌白石城郭畫丹林時與西風會珊珊然出靜音

四

草木隨時轉經秋。是到家寒江。炤鴻雁野渚。瘦蒹葭雨霽。烟如雪。霜深葉似花。不須憐歲莫。好待仲春華。

楊猶龍署中大雪刻燭徵詩遂成十五首時十二月初

七夜

山中無個事。醒極偶尋杯。非俗非僧意。不衫不履來。雪濤烹橄欖。糯酒漬楊梅。莫學剡溪子。寒舟深夜迴。

二

雖遭離亂久。故步尚陵嶠。謝絕風流事。居然苦行僧。邵公開

楚獄偉節解甘陵拚此餘生在名山盡數登

三

寒夜不能寐挑燈黃石齋文章成碧血星日照丹骸信史未
全考故人伊可懷死生游戲耳心事幾曾埋

四

浮沉應自了何事了他人縱作投時伎誰爲不壞身石雲子
壑秀山草四時春若有漁郎問桃花謝主臣

五

故人將蜀道附便入西涼得君同嘯傲省我辦餼糧薏苡須
輕載蒲萄有別香張騫葱嶺路未必盡荒唐

時楊已陞四川
左藩矣故云

六

樂府吟公子都從愛客傳雪飛春柳絮霜霽臘梅天典引題
名士靈光賦少年關西庭訓好秉賜接三鱣

七

大呂三冬律寒梅一樹花仲宣稱夙慧文舉號通家勿恃管
中豹當爲天半霞他年金匱地接踵五雲車

以上二首專爲
楊子相作時年

十七

八

論人三代後總是尚虛名
嗇挾豚蹄祝高持月且評
徐州傭李燮榆次目荆卿
直待冰霜破恩仇各有情

九

感慨主人義淹留窮歲何
膽瓶花折瘦犀觥酒升多
蹄白三韓豕磯青一硯鼈
滿涵書畫古賞鑑輒悲歌

十

風雪一身在江山何處歸
習來饑渴慣所至姓名非
呼酒陳桑落連牀老布衣
枌榆應不遠只是社人稀

十一

一自焚阮後誰能辨魯魚
宋元山水畫漢晉草行書
重校石渠誤旁蒐金匱餘
居停難得爾臨別復躊躇

十二

天外無丘壑西風忙許巢
但能隨地醉不願解人嘲
雪嚼黃柑子冰啼翠竹梢
只恐山月靜睡虎欲咆哮

十三

燈火夜云半悲歌人自雄
八千僧北面十二月東風
書畫宋唐紙圖章秦漢銅
揭簾視星斗參畢列天中

十四

彈琴纔入拍剪燭已成花
細譜龍吟水遙聞雁落沙
高文鐫石鼓隱士賦霜葭
鬼蜮欺人甚凌風嘯紫霞

十五

自分天長夜寧知物有神
山川畱醉客豺虎惜窮人
家遠不

勞夢年終將改春伊誰相識者此是楚靈均

馬子遠齋中卽事兼示茆史定生叔侄

十二月十二夜

主人初下榻明月炤疎簾夜永蘭膏續風微雪氣嚴河魴燒
茆醬淮蟹炙晶鹽誰報春前色梅花已吐尖

二

酌酒一千盞何須兼味新花間搜律呂天上列星辰冰雪能
開歲山川不妬人大寒誰與共白石古松隣

三

莫苦河南道君家卽我家此宵逢地主何處是天涯栗烈能
生氣梅開正有花當天參井分燦燦結青霞

四

把酒說西山人家穴幾間不知花種類無數鳥綿蠻雪霽千
峯素雲歸萬壑閒欲尋箕穎路大小石淙灣

五

那得文章筍都于醉後盈風雲皆自幻江海不能爭漢紀簪
荀悅離騷廣屈平歸來山寂寞瀑布一聲聲

六

漢人推馬氏今代白眉多
霜老松如畫風高海不波
絳帷傳雅奏銅柱紀蠻歌
佳酒若能給扶筇朝夕過

七

淚心人澹遠香色在鹽齏
百斗閒畱客千金擲作泥
君方求駿市我自唱烏棲
他日登高望雲封玉嶽低

臨穎除夕送楚人會試

偏是年驛客相逢輒楚人
旅徒多譟譟章句名斷斷
玉案光

如雪金臺步絕塵他年宰官地可憶老僧貧

二

草堂寒色貢一路半梅花於此能相醉安知不是家春城宜
待詔逐客正懷沙試看鴻冥跡翛然未可笪

三

舊年餘半夜明早卽春風噴雪誰相似書雲獨不同班生答
賓戲阮氏泣途窮彼此殷勤意浮沉旦夕中

四

黃州名下士，潁水一相懽。風雪此時好，行藏他日看。挑燈梅影素，走馬杏筵丹。別後尋巢許，箕淙洗耳寒。

許昌春夜贈何仲端山人

澤州人名步武善鼓琴善畫

有客不相識，閒閒江海游。戲將千點墨，寫出萬峯秋。古道應難問，斯人可易求。一杯一杯爾，忘却幾譙樓。

二

自與此君晤，山高風雨深。花間春弄色，我醉爾彈琴。何處美人曲，無端狂士吟。正平游許下，鼙鼓有遺音。

三

酒酣生異趣謔笑不猶人上帝亦曾醉西周輕賜秦愁來心
欲病觸起淚盈巾畫得江山麗難醫客子貧

四

許州原隰茂今古戰場多游客尋山水環城賞菱荷將裁衣
不就且泛棹爲歌春晚逢花醉參差攬薜蘿

五

苦此端溪硯饑來嚼墨塍欲煩君寫照却怪我何僧呼酒兩

三夕尋山千萬層相將泉石路烟雨濯稜稜

六

剪燭燭生光吳歌子夜長好風楊柳韻新霽牡丹香筆楮嫌
無賴山川謝此狂約尋王屋勝春夏讀書忙

贈田磬碧

陽城人名映馥設帳許州

濩澤琅玕器擔簦下太行紗帷深不見書帶翠成章夜雨藜
膏焰春風蕙畹香少年期遠大寶鍊淬幽光

二

負笈走中州逢余話壯游
黃河堪繫楫白眼故登樓
騎鯨騰三足鞭羊呌萬頭
終童懷抱遠繙棄直封侯

送楊猶龍方伯四川

時在少林

君公何其遠余來亦有因
自傷千里驥誰是九方歎
蘭蕙思公子壘簾待曉人
登峯須絕頂莫與衆山隣

二

夏初新雨後洗出武擔脛
白帝爭三峽青神御五丁
鹽燒諸葛井石泐陽銘益
部天文動長安發使星

三

宦游能著述蜀道有文章琴鶴隨裝素烟雲入棧長木牛鳴
舳閣躍馬渡瞿塘無所勞嘉惠節根七尺蒼

四

客路難于餞輾轅折柳條青虹懸兩旂白鷺啄山椒雪積三
峩岫雲開九板橋投荒多隱逸微服過僧寮

五

漢家全盛日方有事西南俎豆開文黨冠裳集武擔桐飛三

月鳳桑飼八眠蠶更攷青羊觀金經問老聃

贈何元矩

有序

扶溝何子元矩持其先御史全集命余選之且評之
序之余時在杜郎伏村以酒人來溷未遑也無何入
城市數日不得意復歸杜郎何子亦以是日至因商
所以選評者法寒夜挑燈滿瓶柑菊因走筆志之

紅葉飛無數黃花貯滿瓶
徬徨千百載出入十三經
已廢賈生策還歸楊子亭
甘蕉今夜窖臨帖帶霜青

二

嘆息故人到携其先祖書升沉難問世筆削獨徵余此其賦
蘭燭他年泐石渠嗟哉今御史視草徑何如

三

微霜驚木葉下下幾重重國史千秋匪扶溝一樹松表楊爾
曾祖痛哭我神宗畢竟直臣好年來誰肯容

四

新王難爲客還來覓杜郎寒花催歲月燈火算星霜把臂人

千古回頭夢一場近來操觚嬾獨爲爾文章

五

夜汲參井見明月對西齋雨地青蕉冷霜天白雁偕花圍金
門篆葉落酒壚柴寥廓中州道談詩爲爾纔

六

閒閒歲月消來去一無聊木落長松在天荒故國遙文章馴
虎豹金石付漁樵好友能生發悲歌似海潮

七

一二皆余友推余謂老成如斯真意氣故爾吐生平花事蕉
桐隱天文鬼柳橫不須風雨夜日日賦雞鳴

八

河南杯酒夜言笑及山東竹瘦鳳凰食殆寒沙漠風神山云
縹緲仙子隔空同今日霜燈好雖窮不送窮

九

十洲行路盡不見有奇人詩酒偏宜靜龍蛇未必真愛客孔
文舉移家山子春誰肯畫山水霜峯隨意皴

十

十月將終矣看看復一陽未能明甲子且自秘行藏桐葉先
蕉下梅花接菊芳不須追琢苦瑤珥野人香

鄢陵畫肆贈柳宗研

畫齋新著色坐次憂琳琅雨過街塵靜秋分夜燭涼傲爲人
所重貧乃士之常八月疑春令梨花綻海棠

二

躡躡河南道秋高旅雁孤布帆經栗里金酒載麻姑綠字天

中校紅霞海上通芙蓉開欲半城市識江湖

贈平煙水

有序

煙水與余爲方外交詩文往復不一而足然皆緣景
觸懷遂歌輒止未嘗就其野居一形容也戊戌歲十
一月在杜郎偶及此事追憶悠然便得五章不能刻
苦求工直筆漫書而已時大雪之前一日也

草屋只三間當門數尺閑荒墻風不袖素几兩生斑瓦雀聚
園鷗魚鴈隨羣環蒹葭秋水意今在陸橋灣

二

記得桐丘郭花間二小兒拜君新到客吟我近來詩籬落水
殘後煙光春仲時河南誰博古安得不相思

三

高士兼儒者羣書草結庵間雞思縞紵策馬度敬函齋有康
成卉與無靖節籃家貧嫌市味携酒釣澄潭

四

陸橋名未著著則誦伊人入世皆忙客逃名得隱淪花下不

妨酒習邊時獲鱗讀書嘗閉戶金石一功臣

五

不知貧病事琴酒自如如得雨移新竹垂簾攷誤書好音空
谷外嘉卉小山餘聽爾滄桑變千秋此敝廬

贈許清許名醫

禁足涇橋上東風滿院吹絮飛楊柳路花落牡丹墀有客尋
芳草呼童進暖卮病中還憶舊海內獨無醫

二

久念黃華勝春深載酒登山多齊趙寺

石虎高歡遺蹟最多

碑有宋元

僧烟雨來千障悲歌陟萬層歸來傷足臥作記剪銀燈

三

金井桃花下園僧轉轆轤偶然爲客病終不倩人扶風雨他

山有迴嵐此地無愛君何所贈秋酒兩三壺

秋酒彰德酒名

柯蘆秋以詩投我次韻答之

柯君江寧人

家亡何所顧白首任飄零持論高難下揮毫疾不停我聞尋

積雪華嶽訪明星更就盧師隱閒馴大小青

二

夙負山川債，遲償歲月零。或逢佳節到，卽以故人停。歌舞銷
愁況，漁樵動客星。嗣宗雙眼在，爲爾豁然青。
柯子時爲王太守西席，太守出其吳歌，侑酒，故云。

三

太行千里勝隆慮，迺其零菩薩洞。難上仙人峯，可停豹斑秋
隱霧。虎眼夜如星，奇奧無邊際。迴看一帶青。

贈張岫嵐

時飲張國昌藥室

問酒知何處桐丘一月餘初停名士展漫借古人書花聚鶯
聲亂沙吹杏子疎香椿勞客送報爾覓雙魚

二

經年來去意不解到東風削爾三秋桂彈吾百尺桐高人棲
海上隱士僧牆東試看葳蕤色沉沉入藥籠

三

花飛三月柳其下散寒陰但醉泊橋水不知何處深銑歌綠
笛奏囀篆與雲沉爲語成連子高山未易吟

方芭漢夢登高山余適以是夕至遂志之

君方談異夢我豈是高山既與煙雲約如何杖履閒頽然家
酒內了不解人間借此東風引他鄉共往還

夜飲芭漢齋中

晨雨正蕭蕭纔晴過董橋地注蟠麥壠岡脊結松瓢酒借門
人灑燈將筆管挑大家同寂寞風景似僧寮

在芭漢處寄煙水兼示張巫峯伯仲

昨日平煙水來催穎上詩自慚無所得何以報相知梅褪蓮

花早蘭開木筆遲三張新酒熟必不爽春期

甫園八首

梁吟梁別墅在桂郎

灼灼烟不斷疎樹罨僧寮結構惟三徑風光近六朝雲移松影對花放竹枝邀野色春浮動村人畫裏樵

二

當路三間屋園林曲有層花名多異本竹主問高僧塵日絲吹雨春塘草皺冰暮村看野燒猶似上元燈

三

梅滕分龍掌松皮結豹斑可知春色到須待酒人間持鉢薪
傳火談兵米聚山自從流寓醉花鳥一齊刪

四

但求花譜艷密植不能疎獻歲今伊始春風正有餘逢人譏
半豹懷友託雙魚忽作登樓客松間好著書

五

歲歲題芳草人歸到幾時得君相伯仲兼我奏壙簾枯樹子
山賦停雲元亮詩居然江海意捨此復何之

白香山人詩集
卷之六
六

裘葛星霜改陰晴旦夕非竹間名士酒花下美人衣芍藥鬚
還瘦瑯玕筍自肥綠陰芳可坐多事叩僧扉

七

文章無寫處木筆滿林生看此春風色聽他候鴈聲江湖人
再世燈火話三更惟有公沙氏毋忘杵臼盟

八

欲借蒹葭隱伊人在杜郎鴻稍千里字花接四時香樓角圍

松傘圍腰帶竹廊漠然賓主意彼此見行藏

戊戌穀日平烟水梁以道見訪臨臯作此贈之

余客臨穎姚哲甫爲主人凡半載伏村與陸橋命駕
訪余相見甚懽坐中客填集羅呼不復作苛禮卽主
人亦復如龐公代朋友治黍不問來去者爲誰也醉
後洗觶增燭卽席走書十章以志一夕之盛因各書
紙卷貽之俾他日懷袖間時時聞雞鳴風雨也

去家失年歲春到不知春君適來相訪子當是主人披衣迎

柳陌借酒酌花茵如此東風色天涯未可貧

二

竹以誰爲主雙雙得子猷到來今日暖忘却幾年秋神駿騰
千里妖蛇殺兩頭此間須作賦不必仲宣樓

三

桐丘讀書者其事得鄢陵更僕一雙客登山千萬層最相知
是酒不得已爲僧可惜浮沉意烟霞痼未能

四

少年殊不惡狂老乃頽然人到春王後尊開穀日前歲星守
東井候鴈別南天山水無妝飾方袍習野禪

五

玄圃多異寶波斯賤瓊璆但須三斗醉不覺萬山低博物蒐
駸鼠追風惜障泥主賓龐老在何用唱烏棲

六

雪行笑東郭酒債貸河南楊乘三無惑嵇康七不堪未能逃
角里且復假瞿曇之子來何暮悲歌發玉函

七

楚人猴可沐，襄野馬猶童。
放早梅花素，燒勺蠟泪紅。
田橫三島在，范蠡五湖空。
不用閒枝葉，龍門別有桐。

八

茫茫安適去，榻下故人多。
異國難於料，春風可奈何。
猶聞待金馬，誰解顧銅駝。
看破新時令，花初且放歌。

九

主人江海意，結客選明珠。
文字聲光怪，雲虹點綴殊。
春天華

草木凍雪見鬚眉不是秋風曲終童莫棄繻

十

擔簦周海內何事久臨臯知已曾相諾虛名不足逃朱家驅
廣柳張祿感綈袍難得人終始松雲臥素濤

太原秋深看喇園山紅葉時偕吳江潘次耕濟寧孟百
聚陽曲趙凝之

太原三十里古剎隱松巔金石還存舊香燈不逮前幽花迎
日曬乾葉與風旋曉起登峯望蘆芽半影天

二

百卉皆紅葉
巉巉鳥道荒
空臺懸月
澄疎樹烟星
芒霧羃罕
山白雲綃汾水黃
禪林無虎豹
犬吠出茅房

三

村樹罍恩影
巖花翡翠容
霜亭蟠怪石
風壑響幽鐘
水注龍門
峽山騎雁塞
峯故人讀書處
櫛栳幾株松

山內有傅青主書舍

雁門送李天生歸陝

名因篤富平人

自昔別居庸
經秋且近冬
天難逃氣數
人不測蛇龍
電劈銀

河石霜流水塔鐘此間無可語爲爾賦相逢

木塔在應州

二

之子西歸好余來贈一言詩文留雁塞風雪渡龍門
句注山藏斗滹沱水見根天涯同伴少回首欲消魂

三

自經離亂後凡事與心違君載妻孥累吾逃姓字非
漁樵從容變松菊想人歸太白山頭雪寒光照布衣

四

多難非無故浮名豈易居
梁鴻妻舉案伏勝女傳書
歸里君能事完家我不如
慟人還自慟立馬更欷歔

重過陰太峯清暉園

常時臂下楊此日又重過
亂世無非閨春風有幾多
烟雲隨杖屨筆墨造山河
四望無人色中條扣薜蘿

二

萬里山游客逢人不見人
重來三月閨仍想四年春
是鳥皆環掌無花不綻唇
簷簷遮曲徑寸厚踏層茵

題荆觀四山齋

在猗氏城東五里

記在河南署逢予却問予維時逃姓字不及結枌榆風雨懷
人久山川命駕遲泠泠花竹夜痛飲步兵厨

前時王似鶴按
察河南余與觀

四共飲者中

二

家在郇瑕里村居不肯城崑山荒嶺護凍水野橋橫草苗溪
間雉花飛亂響鶯半間茅屋裏子侄列門生

似鶴園卽事

與荆觀四荆元賁同飲

樓上美人任畫梁青漆彫花穠如帶酒竹翠可銓簫錦是流
黃濯珠還結綠搖沉酣明月下何惜解金貂

游終南山

秦山橫萬里俱可號終南霧隱黃神峪雲高白帝龕地靈開
隴蜀天險束嶠函最有丹青樹晴秋鬱翠嵐

宿白厓寺

寺在少華山下僧名寂悅字靜怡

碎磯填鳥道環水帶螺紋嵐結千村雨松垂一寺雲圭驪峯
暗護河渭影遙分歸雁時時唳無人共我聞

二

別峪泉無數懸厓屋幾間經年爲客役此夕覺僧閒潭冷魚
穿石風腥虎過山飯餘猶未暮蚤已閉松關

三

紫竹霜培笋青桐露洗柯樓前冬日少山背暑水多活水滋
梨棗高峯蔭薜蘿不緣幽興發肯向此中過

贈張嘉生騫永思

嘉生名五美永思名克孝俱峽州人

因君來問字激我遂談經微雨春初灑孤雲夜半停蓮開邀

栗里鶴放感支硎荆杞蒙茸處璚琤五采熒

三子在寺中讀書故云

題岫雲羽士閣

在太華山頂西峯下

板屋隱松巔高栖遂有年逢人無姓字畱客是山川
厓迥千尋雪峯開十丈蓮乍登竒絕處搔首問青天

二

樹根蟠作磴冰響汲成花迥入疑世外隔路卽天涯
風雨山腰繫星辰屋角擎古跡難悉紀跌坐賞金霞

題蓮花峯

太華西峯

羣山非不秀太舉獨聲光石削芙蓉秀厓飛瀑布香陰厓蟠
巖蠟帷木挂羚羊坐飯松花餅春嵐畫夕陽

蒼龍嶺

卽韓退之投書處 水經注謂之揭嶺

嶺形如劍脊飛舞跌懸厓凍雪千尋上荒風四面來岡頑金
鐵朽窟閉鬼神閒獨立峯崑黠陰陰響衆雷

二

三峯連一縷結峽萬山腰踟行猶股戰旁視卽魂搖龜鶴羣
峯侍烟雲下界潮退之殊不勇遺跡使人囂

箭括 今名千尺幢華山極陰

險光開一綫窄縫夾青天躡磴先妨膝扳厓側用肩木梯幢
外補鐵縑井中懸怪石橫如竇陰風直上穿

二

難上仍難下層幢級不齊注睛窺缺坎垂脚覓旁梯鎖重霜
欺掌磐迴石礙臍凌空音響亂蚤已碎管鞮

率陰書王山史齋中

海內徵文獻西京兩次來麥田經雨潤山色喜雲開自可劉

現嘯何勞庾信哀登高齊拍掌秦嶺亦東迴

山史有嘯月樓

武功贈張訥夫

已亥六月游太白道過武功同年張訥夫爲令因訪之兩人皆不意也蓋別來

三十有二年矣結夏入秋畱詩而去

客路有難易先從西北游風沙邊地毒冰雪暑天恍繫缶羣
山響歛幽大火流相逢驗出塞不復說防秋

二

雉堞半天橫隨山奏一城塔梢聞犬吠峯脊見牛耕活水環
來遠高原上去平朱絃調臥榻此外寂無聲

三

雅人多雅事還此舊家縣毛穎城千管珪烟價倍金嫩茶焙
歛浦子鱗炙江陰無一秦中產官廉見素心

訥夫以筆墨茶鱗見餽故云

耿子玄園中次李聖年扇頭韻

太白當金時靈湫六月寒青雲能獨步白眼且旁觀石鼓鐫
交易銅鐘答響難有灤風俗古依舊竹皮冠

灤卽邵字后稷封有灤今武功

縣

二

伏金金已壯六月早來秋有酒宜山水無家任去畱漁樵尋
客伴花竹賞僧樓了不通名姓蕭然一子猷

三

冷然來竹下不識主人誰附壁藤蘿幔空堦木樨綏城連山
鑿齒斤斷水分眉散坐松風外閒吟王簿詩

四

初晴山色潤美竹被斜岡蝨趨梧驚葉蚪書柿滿床風胡揮
劍疾飛衛引弓強吐納終南秀環城添水香

是日觀演武廳
騎射

五

陡厓盤級上虛室造層多苔蘚垂陰洞簷簳引半坡遙峯紋
似豆曲水影如螺差有考槃意開牕時寤歌

六

階窮穿竹過路拗踏花行久雨蟠蝸跡荒墻隱蟀聲亭邊空
石繩檻外小山崢俯瞰樓臺麗方知近市城

吶夫禱雨有應贈之

使君虔步禱太白借靈湫神以和平饗天爲撫字酬稼穡經

四序穠蔭似三秋鄉社邀田畯吹曲叶酒籌

二

好雨隨星駕同雲四野涵商羊朝后稷冠雀隄終南吏治誰
能此天工爾獨貪居人畱客賞缶鼓徹街談

三

春秋謹農事無麥則書之沆瀣非天澤循良是兩師樂諧甘
露頌雅奏甫田詩餘隰勻僧舍黃花醉幾枝

過永壽贈李懷仲五首

有序

按永壽縣在乾州西北古麻亭鎮也亂後虛無人棄其東偏而堞之西陞之嶺一線如行魚脊縣治蹲其腰居民依東穴僅數十家綿之詩所謂陶復陶穴者也土瘠氣寒民貧役重黃岡李懷仲尹之三年頌聲作焉予喜而贈之俾後之過此邑者讀予詩如讀永壽風俗考流民圖也

咸陽西北去地勢以層高客舍嘗無米山田或不毛咂嘛投水酌蝴蝶入漿淘豈但游人苦居停亦已勞

咂嘛酒名蝴蝶麴名

二

經過諸郡縣未有此荒城仄路三盤上單街兩面傾避風依
左丁馱水下西坪中伏寒如飈颼颼威發聲

三

山水多奇恠秦中得武陵酒人纔作吏宦况畧如僧勸課文
無害循良事有徵琴堂終日閉六月一簾水

永壽有武陵山
寺于寓焉

四

戶口羅兵燹窳居數十家土深難斃井縣小易爲花漆水原

非漆麻亭詎有麻經年無獄訟寂寂鎖官衙

五

數日僧寮臥空山乏水薪不因行役到誰見宰官貧廉吏歌
聞楚無衣客在秦夜來明月下擊缶好吹幽

村居

梁呢雛燕子枝囀小鶯兒春曉花連陌秋空月滿池山中常
飲酒海內絕無詩行樂圖難畫頽然自放時

二

周道悲風刺荒橋大雪霏獨吟驢背上遙見雁行稀拙守還
金芋窮交擇布衣將登耆耄歲豈可不知非

三

屋垣陰雨破泥草未修除博物讐鼯鼠窮經校魯魚村環君
子樹圯受老人書止足誰知者僧繇寫二疎

四

泊然松石意遂使衆緣孤水墨三時畫丹青九老圖野禽驚
雀芋天馬食龍芻識字遺忠字玄哉莽大夫

五

思難思游俠
詆諸聽滑稽
階前芳樹茂
雲外小山低
子女諧琴瑟
詩文壽棗梨
應禽能喚夢
明發輒先啼

六

昨夜東風煖
庭花略綻鱗
箋經償歲月
刻燭驗精神
地僻真成隱
心廉不苦貧
伐茅炊脫粟
中或有勞薪

七

田家新酒漉
父老集西園
偶用花催鼓
閒將草護門
池寒魚

入霖野淨兔依村凍筍毋輕掘來年看竹孫

八

邴管曾浮海巢繇不買山勞心天地苦寡慾性情閒南伐標
銅柱西征想玉關豈如高尚者詩酒坐花間

九

登高時野望風景澹蕭蕭去歲田傷雨今春土不苗水痕餘
桺徑人影斷泥橋室室無生計荒村日采樵

十

雨歇鳴禽亂笙簧集樹梢處貧惟淡食隨意不兼肴夕照隨
村罨春雲傍水巢此中堪獨寤莫復問誰嘲

十一

豈是薄功名非常患難生知幾深恨晚擇禍莫如輕雅俗同
聯袂悲歡各近情勉爲糊口計不得不躬耕

十二

下帷先卜地土室近松丘山水原無約行藏各有求門將從
客杜刺不向人投坐靜聞微雨花朝冷似秋

十三

小牕春雨細書畫色陰陰平子投青案淵明撫素琴散人多
肆志男子耻違心每愛陶弘景松風獨往尋

十四

近來無作者今古兩難兼既欲傳金石安能問米鹽雲收山
在戶月起竹當簾莫妄談休咎吾生可自占

十五

燕子春來晚尋巢獲舊杉隔年愁破損重見喜呢喃更患雨

風妬還將棄土街
主人觀物理那可不憂讒

題萬年少隰西草堂

方外嗟行役樓遲構竹菴
河淮隴戶牖江海畫東南
嘉樹經秋翠晴峯浴夕藍
鉢池仙跡邇笙月好同叅

二

素壁承簾瓦朱欄紐石藤
求羊三徑客詩酒六朝僧
澤澗難窺坼山遙不辨層
旅堂春綠曉餅食看魚罾

除夕自河南歸

匹馬渡黃河水漸湧白波行人殘歲少征鳥枯林多挿竹飄
錢紙烘薪餉餽饌且堂餘病僕喚起淚滂沱

殮室人張氏樊氏於南莊

適我爲宗婦親喪禮再終耘田偕冀缺舉案侍梁鴻歲課倉
箱豫賓筵俎豆豐爾時都不問回首憶無窮

二

薄命遭離亂焦勞二十年未完婚嫁事先畢死生緣三女哀
無母雙兒失所天倉皇棺不及槨席瘞樓前

三

沈埋三載半一刻不能忘席褶渾成繡衣紋別有光日臨冰
骨煖風靜土花香差足強人意衰葢始報喪

四

香銷紅葉句絃斷白頭吟玉鏡臺空下銀河駕兩沈惟當懷
故劍豈敢御新琴寄語真泉氏雙雙鑒此心

再哭樊氏

疇昔好風光廻思一夢涼璫枝凋凍客玉樹萎嚴霜魂散招

何處歌終泣數行
清秋傳樂府十五嫁王昌

二

君婦持家政千歸爾在前
蕙蘭題姓字荆布擇姻緣
正色常忠諫平心每善全
嗟乎眞畏友一夕徑飄然

至徐州過萬年少故宅

當世誰堪語斯人復永違
生前家已棄收後櫬何歸
荒草埋虛閣秋風鼓敗扉
多情惟燕子還向舊巢飛

二

秋水堂前路塵封畫不開撫絃絕真賞聞笛有餘哀花落樊
桐館雲收戲馬臺黃泉無驛使誰說故人來

廬郡夏秋詩爲龔季升作

孤鶴鍛其羽翛然滄海東往來雲氣上嘹唳月明中有血生
燐火無水語夏蟲賞音人故在煨燼出焦桐

二

蘭畹無施草芳華以類從謬稱徐孺子來弔郭林宗對攷山
川志閒叅捧喝鋒嘉賓多未面虛左待龍鍾

季升葬夫人王氏故弔之

三

地名賢者擅君得號廬江身任朝廷事功垂父母那世間
人有數天下士無雙倘風歸來早居然勝北牕

四

幣交凶吉半歌哭總于斯命酒客同醉傷心人不知謝安頻
召妓杜預枉沉碑何似垂楊苑燒燈唱竹枝

五

市邸風涼少城頭綠樹翻稻田遮酒墅封堰隱漁磯喧鳥乘

陰囀流螢傍夜輝
閒看都不見飽食掩松扉

六

一葛一裘足三冬
三夏餘和隨惟道伴所至得僧廬
患難多更事窮愁少著書行踪休豫
算歌嘯總如如

七

高殿稀鄰舍
烟光遠近殊
千峯來霍嶽
百里見巢湖
簣轉謁
眉鳥藥生何首
烏納涼無愈此
浴罷展龍鬚
余假寓楊將軍廟在西城最高

處

龍鬚簾名

八

地僻人烟冷城深夜色低佛燈出天上漁火隔橋西月澹芙

蓉渚風香錦繡溪更深絲竹靜細語唱幽閨

錦繡溪在郡北

九

我廼先歸里君猶未乞骸鬼神寬夙孽詩酒放吾儕菰苑三
都賦宗門一隻鞋伯倫游戲去荷鍾幾曾埋

十

雞黍半年約雨風千里來每談兒女累輒動友朋哀古郡題

金斗新章咏玉臺相逢偏有興闌提兩無猜

廬州號金斗郡

十一

野外秋鳴蟋山中野打蚊世無真處士城有故將軍君抗陳

情表吾修告墓文倘能如所願省得賦離羣

將軍廟乃宋楊沂中也有功于

廬故祀之

十二

須作救時相堪題通德門朝中推故老海內感平反察吏文

無害明刑殺不冤西風衰草路多少再生魂

孝升時爲刑尙書故云

十三

自解山東網漁樵路始寬百年知己淚一粒返魂丹作客還
驚座逢場更弄丸待君襄大事重製遠遊冠

十四

時序成功退星辰謝政閒采霞攢錦市香雨洗塵山僊子須
乘鳳幽人自放鵬淮南雞犬在猶望八公還

十五

晨起跣趺坐當門曙色鮮海東三島氣江左六朝烟映水皆

環柵週城悉種蓮好風宜結夏常在月明巔

十六

月初當未伏新雨澹瀟瀟水外鳥鳴樹田間僧過橋稻香連
野動花氣隔城飄洗出青山色烟紋似翠綃

十七

豆村啼絡緯松院纈蠨蛸曉色山根見秋聲木葉敲棗梨文
士債菱芡美人荷自坐炎涼外毋將熱客嘲

十八

自歌還自嘯持酒復持螯大火移南呂羣芳歇伯勞初驚黃
葉下漸覺白雲高夜靜蘆笙起家家唱董逃

十九

未可稱龍樹僧宜嗣鳥窠偶因居士到遂有宰官過古曲傳
三婦商音變八哥不勞燈火送一路月明多

二十

茅結樹陰小城隨山勢斜四邊秋水路一帶野人家東浦聞
箏笛南樓送菓瓜斗牛分野次舉步卽靈槎

二十一

僧貧無榻下竹篾布繩牀秋到木齊響曉晴山驟光郭生行處掃荀子坐來香烟影高低錯丹樓繪渺茫

二十二

一春勞玉帛三伏假居停坐校石甘志行搜山海經張華能潰鮮樓護善調鯖置我笙歌裏沉酣不放醒

石氏甘氏漢人精星緯

二十三

花間防菊虎池上伏魚鷹泥少羞填海山高誤倚冰市多充

隱客朝有嗽名僧未若松風外狂吟對一燈

二十四

大暑金須伏新涼火欲流天孫花燭夜月老珮環秋媵女三千隊妝奩十二樓服箱難得代薄命此牽牛

七夕作

二十五

薰銅千秋案甘陵直到今尚書猶北斗廬郡卽東林清瑟花前奏寒蟲草際吟高山與流水鳴咽感知音

二十六

月明臨鵲渚雷響出龍潭萍礙水中榴荷薰城上菴先生栽
五桠高士挈雙柑似此閒風景居人未解探

龍潭在郡城西
大蜀山下

二十七

科跣年來慣人嫌不自嫌孟僧收盞飯析倅送譙籤看竹常
携酒烹葵淡着鹽高牕秋月滿欺殺夜明簾

夜明簾張說送
太平公主者

二十八

僻好唯山水秋來補破帆詩題騷客命酒政美人監且築袁
闔室毋投庾亮函寄言同志友君子慎憂讒

別龔孝積

伯氏吾良友登堂夙所期緣茲交仲季相與奏璫簏樂府追

明遠

鮑明遠讀書臺在廬州城北

仙人詠左慈滿城留墨跡一一見鬚眉

二

但結粉榆好何妨縞紵貧三秋忘逆旅一日共生辰

孝積與余俱九

月十二日生

世事紅塵幻交情白髮新他年修郡志流寓補山人

三

才爲三楚冠數較兩龔多香浦名箏笛佳人字苧羅花評須

有案酒政不嫌苛秋色高如此驪駒客奈何

箏笛浦在郡城內

四

夏秋殊節氣刀尺費裁縫愛客過文舉知音比仲容

孝積善顧曲故

云

林乾紅葉舞山瘦白雲封別後相思遠回看大蜀峯

秋分日秦處桓召飲限韻

一蹇策廬州空林夏復秋漁樵嚴氣顚山水慎交游旋裹人
來脚常髻客去頭感君能好我深醉賞齊謳

二

中秋過十日雁始到江橫柳線垂青綬桐瓢結綠雲廊迴焦
舞扇池洗墨生雲涼夜畱賓久紅燈逐巷分

送單縣張明臣之金陵

佩有桑弧在牢騷賦遠遊琴臺傳綠綺笛步響青樓別渚蓮
方采前山雨未收手提長鋏去不借蒯管綬

琴臺在單父
笛步在秦淮

二

佳麗觀吳苑蹢躅飲沛宮芙蓉晨閣雨薜荔夜牕風白苧微
歌艷青帘笑客窮行行懷舊榻回首夕陽中

村居雜咏十九首

靜悟三生理來空去亦空
枌榆荒舊社雞犬樂新豐
世事皆身外人情在眼中
嗟予游子意歲暮感無窮

二

少年殊寡昧爭勝喜噉噉
藐視山能徙夸云鼎易扛
蠡堪量音平大海鞭可斷長江
豈意成衰朽思之愧滿腔

三

凌風吹石髮剪冰借銅匙
處世何嘗快閒居有所思

何嘗快有所思

古樂府語 地形詢郭璞天象考殷墟更覓柴桑叟同吟乞食詩

四

孤身游萬里未肯泣窮途雲月山中有英雄海內無候門餘
稚子共話得農夫天幸還丘里何煩擊唾壺

五

昔者尚平隱曾聞禽慶偕山川生韻事金石感吾儕有論須
原毀無題但詠懷故鄉傳酒頌荷鍾許同埋

六

長辭三徑去老矣復歸來海上逢萌歎關中庾信哀臨書青
鐵硯注酒碧瓊杯木雁知誰勝吾寧處不村

七

涼燠非其候肌膚慘不親當儲立石酒莫苦白頭人雅樂乖
鍾呂溪山餓鳳麟勿矜花爛熳一夕落紅茵

八

雜品刪麟閣孤蹤弔鹿門校書青玉案命座紫花墩好雨滋
桴柳光風轉蕙蓀敢云工著作成就一家言

九

徵君常白帽處士偶黃冠
虛羨吳江冷親經蜀道難
劍車裝陸賈鹽鐵考桓寬
或勸挑燈苦長宵畧補餐

十

癖好惟稽古幽棲獨掩關
遺民傳寶籙副本貯名山
甘苦皆成味推敲肯放閒
從前多漫筆割愛一齊刪

十一

密雲農父望不雨自西郊
蛛網垂簷際禽聲亂樹梢
疎風吹

自在山川言集 卷三
錦竹湛露滴焦茅酌酒花棚下三絃配紫箋

十二

疎狂生患難挫折減牢騷飯煮延精麥羹煎益壽桃圖書諮
仲虺烟月弄琴高更喜逢秋社黃花就蟹螯

十三

歷攷興王地人才沛獨多屠沽登將相刀筆參山河每聽里
兒唱如聞游子歌少年湖海氣大半已銷磨

高帝選沛兒百
二十人擊筑歌

十四

空林聽語鳥野水噪鳴蛙土涸新霑雨山晴晚映霞仙松移
五鬣佛貝賞三花偶爾吟哦倦珠蘭一瓊茶

五鬣或作五粒非

十五

意氣能階禍江湖最忌名美人愁國色君子慎鄉評好爵崇
三事明珠積百城蓋棺携不去何用苦經營

十六

每愛西園好編籬構小亭雲深花逕紫露湛草紋青鐵馬啼
修竹金魚啄細萍此中堪坐臥靜對十三經

十七

夢與人相關朝來入市尋多求空擾事勇退省勞心博學完
三篋良醫授五禽夜寒明月皎歌女發清琤

十八

率意常多誤捫心每自慙三生皆幻夢萬卷悉空談禪榻紅
蕤枕丹經紫玉函忘憂須醉草遠在赤州南

紅蕤枕紫玉函
三寶之二

十九

史列遺民傳鄉題處士銜蓬蒿藏仲蔚伏臘守陳咸野外門

嘗杜牕前草不芟顧名先擇里誰可婦人巖

閏五月與張抱珍苗質馨同至蔡敘伯莊上看花

郭西三里近隱隱見村樓閏節重添夏涼雲早似秋仙人乘
赤鯉騷客駕青虬莫問誰賓主逢花處處留

二

早起趁天涼疎星綴草堂雲移書帶潤風裊繡毬香嶺表五
銅柱廬峯三石梁興來清嘯遠不復感滄桑

三

既醉晨時酒還看午月花牛耕荒莠隴蟬噪野人家
薜萄蕤新蕊篴筩苗晚芽看看秋色近臨水種蒹葭

四

百歲今將到餘生久自拚惟當隨地醉豈肯待花殘
沼上金荷綠墻陰石竹丹茅齋風細細覺道衆香攢

五

無意尋花太花來召我尋樓臺青樹罨松菊紫烟深
醉看圖書臥豪歌斗漢沉餘歡猶未罄醒後與重吟

山莊

幽居賓客謝門設
廼常關秋雁雲中陣
春鶯畫裏山竹移新
雨後花落亂流間
不解時人好柯枰共我閒

秋村

木葉微風掃空堦
衆響虛愼談當世務
多讀古人書茉莉樓
朱蝶芙蓉蘸翠魚
較之城市隱大小復何如

和陳蓮生來韻

不辱無如隱棲遲
愛子真文章能謝客
魚鳥若親人虛谷生

楚響高山絕衆隣與時嘉遁好勉爾勿沾巾

二

我觀高士傳顏觸號歸真戶牖堪容膝蓬蒿可没人刪詩懷
北地移竹東南隣步履蕭然外時時漉葛巾

微山東友人

未能逃死夭且復學逃生多累嫌妻子深藏苦姓名渚闊蒲
帆隱霜高木葉輕燕山雲萬里不接石頭城

二

二

舉足羅羅網依依此墓田
倘如首丘志何用買山錢
文雉潛豐草寒鷄睡
晚烟寄君桑與梓
今後託餘年

時爲魚臺賊胡姓者破家故云

哭倪鴻寶先生

憶昔山亭醉推子
武庫名如斯
嘉後學所以勵
先生絕筆無家事
招魂只履聲
讀書真不媿
國史借光榮

安東道上

秋雨黃河岸
鹽沙漲菽渠
來方冰雪始
歸已芟芟
疎周道殊

艱步勞人敢定居
室家何處問身外
早無餘

宿壩頭

荒橋鞭馬倦陰雨
苦淒淒間道無他侶
孤踪宵亂棲柳塍環
寺礎沙鳥啄泉泥厚
費居停叟臨行謝黍雞

杜門

匪以逃人去行藏
兩未成折腰慚故步
洗耳近虛聲風雨常
如晦牢騷不易平
數窮先擇禍惟有杜門輕

答徐古圖吳門見寄

枯水村塘外江楓遠道貽暮年知益壯窮轍肯徒悲雲謁方
停處雞鳴不已時故人當此際難說勿予思

徐縣令見過

踈懶甘違俗三年絕市城使君初不棄父老若爲驚率爾高
軒過蕭然野服迎龍光村舍統積與莫烟平

二

亡命歸來晚村居跡自韜深知多罪譴暫且匿蓬蒿不殺亦
云幸先施毋乃勞中心藏未已三疊咏干旄

寄懷李太青會元

長安春莫別不覺忽經秋讀史偏無暇懷人但有愁青天橫
雁字白露冷蕪洲每一登高望雲深未可求

家信

前日人纔去歸家又早來爲言鄉下樂倍使客中哀兄弟呼
新酒亭池蔭舊槐望余余不到每上大風臺

答單臣素

手札來相慰苦余復苦君相憐同病友不作送窮文風雨緣

猶在山川夢未分且歸商道路五嶽起秋雲

答陳百史

使者持書到開緘如見人幾時無限意數語絕傷神飲食懷
良友平安候老親日前窮興達遊戲總非真

二

自爾平陵去相思與日新愁將今古事責在兩三人短髮驚
寒暑微心動鬼神別離常不見偏覺夢中親

項仲展病中過夏村未得一晤作詩送之

上書仍見放歸作杜門詩忽值伊人棹來過泗水湄朝廷方
有事疾病欲何爲相隔成千里生平失所期

二

與君相別處時地總關心一葉來鶯渚三春醉虎林山中僧
子偈花下女郎琴凡此都如夢勞勞直到今

嘉興有鶯鶯湖

聞若蘭有好事

初冬相別後忽忽已初春未踐山中約應慙夢裏人音書他
事悞風雨隔年新一瓊瓊漿盡雲英不可親

寄懷姚六康四首

諱子莊廬東惠州歸善人時爲池州石埭令

抱朴遺丹竈羅浮繫碇岡
琴揮呈鳳嶺錦製舞鸞鄉
家食藤羹素賓筵桂酒芳
幾迴思命駕漉翰墨池旁

二

鏡潭秋月皎車嶺夏冰寒
露洗楓林葉雲蒸荻港灘
池邊常跨鶴嶺上好栖鸞
竇老臺空敞携壺往問丹

三

自到陵陽後

石埭本漢陵陽地吳置石埭場改縣

金城峻幾重江濤迴雁山

翠輦獅峯湖汎仙人影
石垂隱士蹤
標衫題跋徧不讓九芙蓉

四

把臂金臺畔追思已十春
荆高歌壯士燕趙譴佳人
心事青山舊交情白首新
莫愁風鶴警千里達雙鱗

西苑

禁苑人稀到青衫太學生
風雷森玉殿虎豹檻金城
瑤島三峯峙花房百鳥鳴
龍亭間笑語中貴賂碁聲

二

平臺松舞鶴圓殿栢蟠虬鸚鵡傳丹詔芙蓉隱御舟雲霏凝
翠閣花蕖洗妝樓泉水漂宮粉風香滿玉溝

天壇集飲偕楊維斗

廷樞

沈伯叙

明掄

袁公白

徵

李存

我

待問

秦宏甫

鏞

張天如

溥

萬年少

壽祺

酒主人則

徐九一

沂

張受先

采

戊辰夏初事

江南名下士選勝集郊壇苑肅春雲靜林深暑月寒
玉峙星斗繪珠欄道藏歌新製仙童對譜彈

二

京市交游倦樽移道院閒花茵穠似繡香霧裊如鬟弱柳垂

清泚疎松漏遠山欣聞明詔下黨錮起田間

時高陽李國楫主政以同鄉樞

輔孫公言特舉姚文毅公文文肅公得俞旨戊辰三月事

皇極門早朝

庚午九月朔日

射策龍飛朔觀光鳳噦班書生原自陋儀注幾曾嫺聖主親
傳詔名臣早賜環趨蹌多錯誤微笑覩天顏

二

瑞寺塵初掃經筵霧始晴山河如洗沐日月覺清明舞蹈銀

臺唱賢姦鐵案成

詔定逆案

吾儕私自慶天子擢門生

潞河雁家嘴僧舍偶作

王僧崑字

一嘯別長安停舟潞水干火雲烝襍穢沙雨垢蒲團鼃蟹綠
洲曝葭蘆被清寒獨行尋野寺老衲正晨煇

二

犬吠桑門靜牛鳴柳苑孤千場黃麥刈兩岸白鹽鋪野荻連
滄海飛沙散直沽畫船皆逆上南去一人無

五簋邀宋蓼天王涓來王敷五薛大武何昭候李嶠雪

紀伯紫李絳侯集飲慈仁寺松下

爲客燕山久臨行作主人交游聯意氣聚別感星辰炬列金

蓮靜

指宋王
諸學士

垣開玉璫新

指薛
給諫

古松交月影空色滿慈仁

居庸關

中華九九塞其一曰居庸邃谷廻環拗頑磯滑跌重紫沙霏
涿鹿丹嶂接盧龍突爾來流寇無人舉寸烽

宣府偕戴務旃李武曾戴無忝山游卽事

時王人爲吳
盛藻彩臣

山水西南盡歸來更北游長城今日見上谷主人畱路考三
邊誌時逢八月秋談言微中處不覺異鄉愁

二

壯志能投筆長游不用繻關山尋次仲戎地訪由余欲發小
山桂先燒明月珠相期何所至携手入枌榆

魏郡冬吟

日候居南陸墻陰影不畱窖中題雁字燈下補鸛裘天氣華
于夜人心怒在秋誰堪同起臥獨自理衾裯

羈旅秋冬際遲回近一陽夜華開漢斗天色美文章殺運何其久衰年不再芳遙憐雲旌處墓草必經霜

三

雨後煙光縈新天夜更青柝人虛曉箭屋瓦漏寒星陽復溫泉動霜高晚卉刑惟餘松柏在不肯遂凋零

已酉元日祝內嫂王安人八十時在邯鄲署中

蓂莢書元日椒花頌耄年東皇辰告朔西母夜開筵玉帛環

階下兒孫拜膝前滿天星斗麗火樹雜笙絃

二

粉繪齊眉案金題剪髮圖熊丸燈下劑蠶箔月中繡薄產分
諸弟香奩送小姑邯鄲來就養彤管贈羅敷

秦羅敷邯鄲人

邯鄲元夜

一醉邯鄲道春來尙未醒飛花燒霽雪起火射寒星玉刻三
台燭金泥百歲屏步兵餘老眼偏爲故人青

游方山

卽靈巖寺水經謂之玉符山在泰山後八十里

玉符多異卉十里綠雲綃曲逕微茫轉懸厓咫尺遙獅眠開
士鉢鶴飲定僧瓢澄朗門風在無人紀六朝

佛圖澄卓錫於此

二

背映晨光裏晴霄歷歷峯林開司馬世僧享季龍供金石雕
成顛烟雲繪有踪援奇須暗賞未易可形容

季龍後趙石虎字師事澄公

三

披閱高僧傳圖澄事跡神滑稽游僭國術數答癡人說法山
川動當機虎豹馴可憐羅什子破戒死姚秦

楊摩羅什爲姚興釋經破戒而

虎

四

誰傳天竺像工鑄古伽梨假此來香火居然勝木泥虛岩穿
作牖絕壁上無梯且飽桑門饌登高處處題

山南嶺有圓寶
如隱亦奇

五

人客忘時序來游適暮春氣寒花似萸峯岵影如人鐵縮架
裘縷薜綃最最鱗宋元碑篆破顛倒瘞荒榛

寺有鐵羅漢一
尊傳是北魏人

造而像不精疑偽

六

互考靈巖志中華亦可憐僧來南渡後剎起少林先拓跋方
稱帝蕭梁却佞禪至今苔蘚內猶刻正光年

姚莊偕趙配五憬五信五共飲西園

地僻人稀到荒墻徑亂開一園春色靜四面好音來籬種鶴
翎菊枝蟠龍爪槐王賓花裏坐謔笑不相猜

二

莫春容易倦強起步林端琴奏風前韻花催雨後寒烟晴芳

草睡日午衆香攢移席松陰下徐將蓓蕾看

憬五善琴故云

三

正當花爛熳晨起坐松間山鳥皆相應柴門不用關
酒寒旁作竈蕊落亂成斑莫謂茅亭小西牕納泰山

過鉅野題畢開之畢位二村舍

開之名爾錫位二名爾公

故人家鉅野琴史帶蠶耕千頃綠塵色一林黃鳥聲
所談皆往夢相醉是餘生彼此嗟麟也無爲嘆不平

鉅野是西狩獲麟處

二

瓦破野亭幽嚶鳴若有求
百千年字畫三五樹松楸
草蔓不耕地烟熏無板樓
敲碁尋野叟賭勝可消愁

高唐至禹城皆昔年計

舊館

也感而志之

負郭皆豐草泥塗不可行
桑麻依敗宅官吏擾空城
若有甲兵氣村無雞犬聲
昔年計偕處逆旅最關情

齊河道中望泰山

少年卽登岱未解問幽奇
此日遙相望還爲物所羈
山川真失意詩酒不逢時
天半峯如畫行行亦漸移

新春爲單臣素作

君豈無家者他鄉爲故人青山初不改白首定如新眠食風

霜老經營歲月頻感茲貧賤義益復笑平津

平津指潁陽臣素潁陽舊交故

云

清明答單臣

素

淑旅兼寄故鄉友人

趺坐如禪寂安知節候更偶因贈楊柳纔悟是清明宿草青
連海春山綠繞城遙憐桐竹發多少故園情

慰同難魏君重黃若會一子

明月滿東臯山城唱董逃詩書非有罪時命適相遭失路悲
馮衍同人喜貫高故吾今尙在日日對醇醪

二

秦客寶秦鏡楚人珍楚弓上天應悔禍君子勿貪功雷首行
歌倦蘓門對牖空莫傷時與數吾且固吾窮

送邢來之

諱儀鳳清平縣人

何處無詩酒相親患難中文章談永夜江海別春風古道難
爲繼奇人未易同他年呼姓氏記取潔河東

閏六月詩

乙酉林鍾閏于今已八年泥生蚯蚓跡霧滑菱荷烟遷酒齊
東甕烹茶歷下泉南山雲有意停在棘牆邊